

POSJETA FEDERALNOG MINISTRA PRAVDE FEDERALNOJ GEODETSKOJ UPRAVI

11.03.2025 14:38



Dana 11.3.2025. godine u prostorijama Federalne uprave za geodetske i imovinsko-pravne poslove je održan sastanak Federalnog ministra pravde, gosp. Vedrana Škobića i direktora Federalne uprave za geodetske i imovinsko-pravne poslove, gosp. Željka Obradovića.

Direktor Obradović je predstavio aktivnosti i nadolazeće projekte planirane u tekućoj godini, kao i rezultate implementiranih projekata. Javnosti je poznato da su Federalna geodetska uprava i Federalno ministarstvo pravde zajedno implementirali Projekat registracije nekretnina. Projekat je ostvario zavidne rezultate, posebno kada je riječ o koristima provedbe Projekta za građane Federacije BiH, državu i investitore. Provedbom aktivnosti na sistematskom usaglašavanju podataka o nekretninama između zemljišne knjige i katastra stvoren je potpuno novi okvir za razvoj tržišta nekretnina, kao i za sveukupni ekonomski razvoj Federacije BiH. Zahvaljujući aktivnostima Projekta, ukupno 1.693.740 vlasnika i suvlasnika su uknjižili svoje nekretnine i prava na njima, dok ukupan broj svih zemljišnoknjizičnih uložaka u elektronski vođenoj zemljišnoj knjizi Federacije BiH iznosi 2.431.401, od čega je 61,8 % zasnovano na novom katastarskom premjeru u odnosu na 33,3% koliko je taj omjer iznosio na početku provedbe Projekta.

Kako u skorije vrijeme kreće implementacija Projekta unapređenja geoprostorne infrastrukture i vrednovanja (GIVE) finansiranog kreditnim sredstvima Svjetske banke, dogovoren je nastavak aktivne saradnje u realizaciji planiranih aktivnosti.